

Balinese - Cakepan Sucine - Protection Scriptures

Yeremia 1:18/19 Ih Yeremia, padingehangja! Asing-asing jlema ane ada di gumine ene, pararatun Yehudane, paraprakanggonnyane, parapanditannyane muah rakyate makejang lakar nglawan kita. Nanging didinane jani, Ulun maang kita kakuatan buat nglawan ia. Kita lakar dadi buka benteng kotane, buka adegan besine, buka tembok prunggune. Ia tusing lakar nyidaang nglawan kita, sawireh Ulun lakar ngingin kita muah nyayubin kita. Ulun ene Ida Sang Hyang Widi Wasa suba ngandika buka keto.”

Yeheskiel 3:18 Yening Ulun ngwarah-warahang mungguing ada anak corah makire mati, nanging kita tusing nyak matinget ia, apanga ia ngesehin bikasne, apanga ia prasida ngrahayuang uripne, ditu ia lakar mati sajeroning dosannya, tur Ulun lakar mategenin kita buat matinnyane ento.

Yeremia 6:27 Ih Yeremia, pintoninja kaulan Ulune, patuh buka kita nguji besi, apanga kanti tawang buka apa ia.

Upacara 26:19 Kita kaliwat mrekak, nanging Ulun lakar ngilangang mrekak kitane ento. Lakar tusing ada ujan ulung, tur tanah kitane lakar tuh latuh kanti buka batune.

Pangeling-eling 23:5 Nanging Ida Sang Hyang Widi Wasa, Widin semetone nenten kayun mirengang pinunas Dane Bileam, malahan Ida malikang temahe punika dados merta, santukan Ida asih sueca ring semeton.

Roma 12:21 Sampunangja kacorahane punika kantos ngaonang semeton, nanging kaonangja kacorahane punika antuk kabecikan.

Kidung 143:8,10 Sabilang semengan, pakelingja titiang indik sih pasuecan Palungguh IRatu sane tan rered-rered punika, santukan titiang pracaya ring Palungguh IRatu. Pangastawan titiange munggah ka ayun Palungguh IRatune. Pitujuhinja titiang margi sane patut marginin titiang. 10 Palungguh IRatu punika Widin titiange, duaning punika urukja titiang nglaksanayang pakarsan Palungguh IRatune. Suecaninja titiang, tur tantanja titiang ring margine sane rahayu.

Kidung 94:12 Duh Ratu Sang Hyang Widi Wasa ambate bagian anake sane titah Palungguh IRatu, inggih punika sane uruk Palungguh IRatu ngeniang indik pidabdab druene!

Pitutur 27:12 Anake ane dueg, nyidayang ningalin baya ane lakar teka, tur ia bisa ngelidang dewekne, nanging anake ane tunan pepineh lakar nglaut majalan mapas bayane ento, tur sasubane keto ia lantas

maselselan.

Pilipi 2:16 rikala semeton midartayang ring ipun Orti indik uripe punika.

Yening semeton nglaksanayang indike punika, tiang jaga polih jalaran buat nyumbungang dewek malantaran semeton, ring rahina rauh Ida Sang Kristus, santukan irika pacang janten, mungguing saluiring usaha miwah pakaryan tiange nentenza nirguna.

Yesaya 49:4 Atur tiange sapuniki: “**Titiang sampun makarya nanging nenten wenten pikenohipun. Titiang sampun nganggen kakuatan titiange, nanging sami tan wenten pikenohipun.**” **Nanging tiang pracaya Ida Sang Hyang Widi Wasa pacang nindihin wicaran tiange. Ida pacang ngupahin tiang pabuat indik sane sampun laksanayang tiang.**

Kidung 76:3 Irika Ida ngelung panah, tameng miwah pedang mesehe makamiyah sanjatan ipune makasami.

Ibrani 13:21 Dumadak Ida Sang Hyang Widi Wasa, Widin damene, maicayang ring semeton saluiring paindikan sane becik, sane buatang semeton buat nglaksanayang pakarsan Idane. Samaliha dumadak malantaran Ida Hyang Yesus Kristus, Ida Sang Hyang Widi Wasa ngaryanang paindikan sane ledangin Ida, sajeroning iraga. Tur wantah pabuat Ida Sang Kristus kamulian salami-laminipun. Amin.

1 Korintus 16:15 Parasemeton sampun pada uning, mungguing Stepanus miwah kulawarganipune, ipun dados anak Kristen sane pangawit ring jagat Akaya. Ipu sampun ngayahin parakaulan Ida Sang Hyang Widi Wasa. Punika awinanipun tiang nunas mangda semeton,

Pilipi 1:27 Sane mangkin, sane pinih buata inggih punika, parisolah semetone patut saadung ring Orti Rahayun Ida Sang Kristus, mangdane yen tiang mrasidayang wiadin tan mrasidayang ngrauhin semeton, tiang pacang miragi, mungguing semeton tansah pageh saguluk miwah nunggal pangapti buat nindihin kapracayan sane kawitnya saking Orti Rahayune.

1 Korintus 15:58 Punika awinanipun parasemeton tiange, pada pagehangja kapracayan semetone, sampunang onyah-anyih. Pada antenga ngaturang ayah sajeroning pakaryan Ida Sang Panembahan! Santukan semeton sami sampun pada uning, mungguing ayah-ayahan semetone pamantuka ring Ida Sang Panembahan punika, nentenza pacang nirgawe.

Kolose 4:12 Pangayu bagia saking Epapras, warga pasamuan semetone, miwah parekan Ida Sang Hyang Yesus Kristus. Ipu tan rered-rered ngastawayang semeton, mapinunas ring Ida Sang Hyang Widi Wasa, mangda semeton kapagehang, dados anak sane sampun jati wikan, samaliha andel pisan tur saha nekeng ati ninutin pakarsan Idane.

2 Pararatu 19:34 Ulun ane lakar nindihin tur nyayubin kotane ento, pabuat

kaluihan Ulune, tur uli krana janjin Ulune teken Daud parekan Ulune.' "

Yeremia 15:20,21 Kita lakar dadiang Ulun buka tembok prunggune ane kuat sanun anake ento tungkas teken kita. Ia lakar nglawan kita, nanging ia tusing nyidayang ngalahang kita. Ulun lakar ngingin kita tur ngilonin kita apanga kita tansah rahayu. 21 Ulun lakar ngrahayuang kita uli kawisesan anake ane jaat muah wirosa. Ulun ene Sang Hyang Widi Wasa, suba ngandika buka keto."

Kidung 55:18 Ida jaga makta titiang mawali saha rahayu saking payudan titiange nglawan meseh-meseh sane kalintang akeh.

Yeheskiel 30:24 Sasubane keto Ulun lakar nguutang liman raja Babele tur nyerahang pedang Ulune sig limannyane. Nanging Ulun lakar ngelung liman raja Mesire, tur ia lakar duuh-duuh tur mati di arepan musuhne.

Wahyu 3:18 Sawireh keto, Ulun mituturin kita, apang kita meli mas ane murni teken Ulun, apanga kita sugih. Buina beli masih panganggo putih, anggon nganggoin dewek kitane, buat ngangkebin dewek kitane ane malalung, ane ngranayang kimud, buina beli masih ubad anggo ngubadin matan kitane, apanga kita nyidayang nepukin.

1 Yohanes 3:17 Yening wenten anak sugih tur manggihin nyamannyane kakirangan, nanging ipun raris dadi ati marep ring nyamannyane punika, sapunapi lagi antukipun maosang, mungguing manahipune astiti bakti ring Ida Sang Hyang Widi Wasa?

Yesaya 50:4 Ida Sang Hyang Widi Wasa Sane Maha Luur sampun ngurukang tiang indik sane patut baosang tiang, mangda tiang nyidayang nguutang anake sane lesu. Nyabran semengan Ida ngawinang tiang meled miragiang indik sane pacang urukang Ida ring tiang.

Kidung 18:39 Palungguh IRatu mapaica kakuatan ring titiang buat mayuda, tur mapaica kamenangan nglawan meseh-meseh titiange.

2 Samuel 22:40 Palungguh IRatu ngicen titiang kakuatan pabuat mayuda tur ngaonang meseh-meseh titiange sami.

Kidung 89:43 Palungguh IRatu sampun ngawinang sanjatan idane tan paguna, tur manggayang ida kakaonang ring payudan.

Yeheskiel 13:6 Wahyu ane tepukina ento palsu muah pangwakiannya pada bobab. Ia ngorahang dewekne, mungguing ia ngwarah-warahang pawuwus Ulune, nanging Ulun tusing ada ngutus ia. Yadian keto ia masih ngantosang munyinnyane apang kasidan.

Upacara 26:37 Kita lakar malaib patikaplug ngajak timpal dikalane tusing ada anak nguber kita, tur kita tusing lakar nyidayang masiat nglawan musuh, yadian ane buka kenkenja gobanne.

1 Korintus 14:8 Yening suaran trompete nenten karuan-karuan, sapasirake sregep jaga sayaga maperang?

Ayub 15:24 Baya bencana sane tan bina sakadi pararatu sane mawisesa, nyantosang ipun, misadia jagi nibenin ipun.

1 Babad 12:8 Ring sor puniki pesengan paraprajurit sane kasub tur nyayeng rana saking suku Gad sane ngiring Ida Sang Prabu Daud rikala ida ring bentenge ring tegal melakange. Paraprajurite punika pascad ngunayang tameng miwah tumbak. Sebengnyane galak sakadi singane tur palaibnyane becat sakadi kidange ring gunung.

1 Babad 12:33,38 Saking suku Sebulon wenten sareng seket tali diri jadma sane kalintang satia tur kapiandel buat mayuda, samaliha pascad ngunayang saananing sanjata. 38 Makasami wadua balane puniki sampun sayaga buat mayuda. Ipun sareng sami rarisi mamargi ka Hebron, gumanti ngamanggehang Ida Sang Prabu Daud jumeneng ratu ngwengku bangsa Israele makasami. Wong Israele sane tiosan taler sampun pada saigum buat ngadegang Ida Sang Prabu Daud.

Lukas 10:19 Padingehangja! Guru suba maang cening kawisesan buat nyekjek lelipi, teledu, muah ngalahang kawisesan musuhe ento. Tusing ada ane nyidayang mencanen cening.

2 Korintus 7:10 Santukan sungsute sane kagunayang antuk Ida Sang Hyang Widi Wasa punika, ngawinang semeton meseh pepineh tur nuntun semeton ka jeroning karahayuane. Punika awinane tan wenten sane buat kapangenang. Nanging sungsute sane saking jagate iriki, punika sane nyidayang nuntun semeton ka sajeroning pati.

2 Timotius 2:25,26 ane bisa mituturin musuh-musuhne baan raos ane nyunyur manis. Dumadak Ida Sang Hyang Widi Wasa maicayang sela teken anake ento buat ngesehin pepinehnyane, ngutang dosadosannyane, apanga ia nawang kasujatian. 26 Yen suba keto ia lakar inget teken dewekne laut ngelesang dewekne uli jeet Ratun Setane ane suba negul ia buat nyalanang sakita karep Ratun Setane ento.

Nehemiah 4:15 Meseh tiange miragi mungguing tiang uning indik Ida Sang Hyang Widi Wasa ngaonang saluiring rencanannyane. Sasampun punika tiang sareng sami rarisi nglanturang malih ngwangun temboke punika.

Kidung 73:24 Palungguh IRatu nuntun titiang antuk titah Palungguh IRatu, tur ring pamuputipun Palungguh IRatu ledang nrima titiang sajeroning kaluihan.